



Inatsisartuni ilaasortaq,
Jens Napätök, Partii Naleraq
Maani/

§ 37 naapertorlugu apeqquteqaammut nr. 023_2024-mut tunngasumut akissut

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, ESU atorlugu aalisartunut piniartunullu attartortitsisarneq eqquteqqinneqassagaluarpat kingunerisinnaasai pillugit. Apeqqutitit uanga suliaassarfigisannut akisassanngortinneqarsimapput.

Ulloq: 12-02-2024
Suliap normua: 2024 - 2144
Akt normu: 23853783

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Apeqqut 1:

Allaffissornikkut qanoq kinguneqassava ESU atorlugu attartuisarneq aalisartunut piniartunullu eqquteqqinneqassappat/atuutilertinneqaaqqissappat?

Akissut:

ESU atorlugu attartuisarneq eqquteqqinneqassappat ukiumut sulisup/siunnersortip akissarsiaasa affaanik naleqassaaq.

Apeqqut 2

Qanoq aningaasatigut kinguneqassava ESU atorlugu aningaasanik attartortarneq aalisartunut piniartunullu eqquteqqinneqassappat/atuutilertinneqassappat?

akissut:

Ukioq 2020/2021 COVID 19-mut aningaasanut karsi misissuiffigineqarluarneranut ("kasseeftersyn") atatillugu konto pingaarnermi 51.07.42-mut taarsigassarsianut ernialinnut aningaasaliissutit peerneqarput, tamatumalu kingorna aningaasaliiffigineqarnikuunani. Aningaasaliiffigineqarnissaa Inatsisartunit akuerineqartussaavoq.

Taarsigassarsisoqaqqittalissappallu aningaasanut inatsisikkut aningaasaliisoqartariaqassaaq.

Naggataatigut maluginiarpara, apeqqummi 2-mi qallunaatut nutsernerani akissarsiat-nik nutserneqarsimammat, kalaallisuanili attartortitsisarneq pineqarluni. Taamaattumik apeqqut 2-mut akissut kalaallisuanani apeqqummi oqaasertai naapertorlugu akineqarpoq.

Inussiarnersumik inuulluaqqusillunga

Kim Kielsen
Aalisarnermut Piniarnermullu Naalakkersuisoq